




UNIT 7 YANG DI-PERTUAN AGONG TERAS KEDAULATAN NEGARA

NOTA EFEKTIF

KETUA UTAMA NEGARA



Kronologi Pemilihan Yang di-Pertuan Agong

1. Pemilihan Yang di-Pertuan Agong dibuat melalui undian sulit oleh sembilan orang raja Melayu dalam Majlis Raja-Raja.
2. Majlis Raja-Raja mengisytiharkan nama raja atau sultan yang terpilih sebagai Yang di-Pertuan Agong.
3. Surat pengesahan pemilihan Yang di-Pertuan Agong dihantar kepada Dewan Rakyat dan Dewan Negara mengikut Jadual Ketiga Perlembagaan Persekutuan.
4. Perdana Menteri mengeluarkan kenyataan akhbar mengenai keputusan pemilihan jawatan Yang di-Pertuan Agong.
5. Yang di-pertuan Agong melafazkan sumpah atau ikrar dan menandatangani surat sumpah memegang jawatan dalam Mesyuarat Raja-Raja.

ISTIADAT PERTABALAN YANG DI-PERTUAN AGONG

1. Yang di-Pertuan Agong melafazkan sumpah memegang jawatan dalam Mesyuarat Majlis Raja-Raja.
2. Yang di-Pertuan Agong menandatangani surat sumpah memegang jawatan yang disembahkan oleh Penyimpanan Mohor Besar Raja-Raja.
3. Perdana Menteri membacakan Watakah Pengisytiharan di hadapan Yang di-Pertuan Agong pada majlis istiadat pertabalan.
4. Yang di Pertuan Agong mengucup Keris Kerajaan sebagai Ketua Utama Negara pada majlis istiadat pertabalan.
5. Yang di-Pertuan Agong melafazkan ikrar untuk menjalankan pemerintahan yang adil dan saksama pada majlis istiadat pertabalan.

BIDANG KUASA YANG DI-PERTUAN AGONG

1. Ketua agama Islam bagi negeri baginda dan negeri-negeri yang tidak mempunyai raja iaitu Pulau Pinang, Melaka, Sarawak, Sabah dan Wilayah persekutuan.
2. Melantik Perdana Menteri dan anggota kabinet Malaysia.
3. Memelihara kedudukan orang Melayu dan bumiputera.
4. Memelihara kepentingan sah kaum-kaum lain sebagai warganegara Malaysia.
5. Merupakan Pemerintah Tertinggi Angkatan Tentera Malaysia.
6. Memperkenalkan Rang Undang-undang yang diluluskan oleh Parlimen.
7. Mengurniakan darjah kebesaran, bintang dan pingat.
8. Mempunyai kuasa untuk memanggil, memberhentikan dan membubarkan Parlimen.

ALAT KEBESARAN YANG DI-PERTUAN AGONG 

Pakaian Kebesaran Diraja	Ciri-ciri
Tengkolok Diraja	<ul style="list-style-type: none"> • Pakaian kebesaran Raja-Raja Melayu. • Diperbuat daripada kain yang ditunen dengan sutera yang diikat di ulunya. • Tengkolok Yang di-Pertuan Agong berwarna hitam bersulamkan benang emas. • Solek atau ikatannya dinamakan "Dendam Tak Sudah".
Keris Pendek Diraja	<ul style="list-style-type: none"> • Diperbuat daripada mata keris lama. • Hulu keris ini bersarung gading yang bertatahkan emas.
Pending Diraja	<ul style="list-style-type: none"> • Merupakan hiasan pada tali pinggang atau bengkung. • Diperbuat daripada emas sepuluh mutu, bertatahkan dan bersulamkan permata delima.
Muskat	<ul style="list-style-type: none"> • Pakaian rasmi Seri Paduka Baginda Yang di-Pertuan Agong. • Dipakai dalam majlis rasmi seperti Istiadat Kebesaran Diraja dan juga sewaktu pertabalan. • Berasal dari Kedah dan diperbuat daripada benang bulu berwarna hitam yang dijahit dengan sulaman benang emas. • Terdapat sulaman bunga raya yang melambangkan bunga kebangsaan.
Kalung Diraja	<ul style="list-style-type: none"> • Kalung atau rantai leher ini dipakai oleh Seri Paduka Baginda Raja Permaisuri Agong. • Kalung ini diperbuat daripada emas putih bertatahkan permata berlian. • Rantai ini boleh dipisahkan menjadi sepasang subang dan kerongsang.
Gandik Raja (Pemeles)	<ul style="list-style-type: none"> • Gandik (Pemeles) dipakai oleh Seri Paduka Baginda Raja Permaisuri Agong dalam istiadat kebesaran diraja dan juga sewaktu pertabalan. • Gandik diperbuat daripada emas putih bertatahkan permata berlian. • Terdapat anak bulan dan bintang di tengah-tengahnya.

Alat Kebesaran Diraja	Ciri-ciri
Keris Panjang Diraja	<ul style="list-style-type: none"> • Merupakan alat kebesaran utama dalam istiadat pertabalan. • Dari hulu keris hingga ke sarungnya bersalut emas. • Mata keris ini ditempa daripada besi waja yang diambil daripada sebelah bilah keris di Negeri-negeri dalam Persekutuan Tanah Melayu.
Cogan Alam	<ul style="list-style-type: none"> • Diperbuat daripada perak berupa suatu bulatan di atas hulu tongkat. • Terdapat anak bulan dan bintang pada bulat tersebut. • Di sekelilingnya terdapat lambang sebelas negeri-negeri di Malaysia. • Terdapat empat ekor harimau di bawahnya dan pada batangnya terdapat enam tangkai padi.
Cogan Agama	<ul style="list-style-type: none"> • Merupakan lambang Kebesaran Kerajaan Malaysia. • Diperbuat daripada perak berupa sebatang tongkat bulat berkepala besar. • Terdapat lambang bulan dan bintang pecah lima yang diperbuat daripada emas di atas kepala tongkat. • Pada batangnya terdapat ayat-ayat suci al-Quran.
Cokmar	<ul style="list-style-type: none"> • Merupakan dua batang tongkat pendek berhulukan kubah merupakan alat perang zaman dahulu. • Diperbuat daripada perak.
Payung Ubur-ubur Kuning dan Tombak Berambu	<ul style="list-style-type: none"> • Terdapat 20 kaki payung yang diperbuat daripada kain sutera berwarna kuning, iaitu warna yang dikhaskan sebagai lambang kebesaran raja-raja Melayu. • Terdapat anak bulan dan bintang pada puncak payung tersebut. • Tombak Berambu mempunyai mata berlok tiga

Alat Kebesaran Diraja	Ciri-ciri
Pedang, Keris Panjang dan Sundang Diraja	<ul style="list-style-type: none"> • Merupakan tiga jenis senjata Melayu lama yang diperbuat daripada mata pedang, keris panjang dan sundang zaman purbakala. • Keris panjang dan sundang disalut dengan perak dan terdapat ukiran pada hulu dan sarungnya.

DAULAT TUANKU

Nama	Tempoh	Negeri
1 Almarhum Tuanku Abdul Rahman ibni Almarhum Tuanku Muhammad	Ogos 1957 - April 1960	Negeri Sembilan
2 Almarhum Sultan Hisamuddin Alam Shah ibni Almarhum Sultan Alaidin Sulaiman Shah	April - September 1960	Selangor
3 Almarhum Tuanku Syed Putra Alhaj ibni Almarhum Syed Hasssan Jamalullail	September 1960 - September 1965	Perlis
4 Almarhum Sultan Ismail Nasiruddin Shah ibni Almarhum Sultan Zainal Abidin	September 1965 - September 1970	Terengganu
5 Almarhum Sultan Abdul Halim Mu'adzam Shah ibni Almarhum Sultan Badlishah	September 1970 - September 1975	Kedah
6 Almarhum Sultan Yahya Petra ibni Almarhum Sultan Ibrahim	September 1975 - Mac 1979	Kelantan
7 Almarhum Sultan Haji Ahmad Shah Al-Musta'in Billah ibni Almarhum Sultan Abu Bakar Ri'ayatuddin Al-Mua'adzam Shah	April 1979 - April 1984	Pahang
8 Almarhum Sultan Iskandar ibni Almarhum Sultan Ismail	April 1984 - April 1989	Johor
9 Almarhum Sultan Azlan Muhibbuddin Shah ibni Almarhum Sultan Yussuf Izzuddin Shah Ghafarullahu-lah	April 1989 - April 1994	Perak
10 Almarhum Tuanku Ja'afar ibni Almarhum Tuanku Abdul Rahman	April 1994 - April 1999	Negeri Sembilan
11 Almarhum Sultan Salahuddin Abdul Aziz Shah Alhaj ibni Almarhum Sultan Hisamuddin Alam Shah Alhaj	April 1999 - November 2001	Selangor
12 Tuanku Syed Sirajuddin ibni Almarhum Tuanku Syed Putra Jamalullail	Disember 2001 - Disember 2006	Perlis
13 Al-Wathiqu Billah Sultan Mizan Zainal Abidin ibni Almarhum Sultan Mahmud Al-Muktafi Billah Shah	Disember 2006 - Disember 2011	Terengganu
14 Almarhum Almu'tasimu Billahi Muhibbuddin Tuanku Alhaj Abdul Halim Mu'adzam Shah ibni Almarhum Sultan Badlishah	Disember 2011 - Disember 2016	Kedah
15 Sultan Muhammad V	Disember 2016 - Januari 2019	Kelantan
16 Al-Sultan Abdullah Ri'ayatuddin Al-Mustafa Billah Shah ibni Almarhum Sultan Haji Ahmad Shah Al-Musta'in Billah	Mulai Januari 2019 - hingga kini	Pahang